64. Schiedsspruch der acht eidgenössischen Orte zwischen Appenzell und Lütfried Mötteli über den Kirchensatz von Sax und verschiedene Einkünfte aus der Herrschaft Frischenberg

1473 Dezember 14

Die in Luzern versammelten Gesandten der acht eidgenössischen Orte, Konrad Schwend von Zürich, Ritter Niklaus von Scharnachtal, alt Schultheiss von Bern, Heinrich von Hunwil, alt Schultheiss von Luzern, Walter In der Gass, Ammann von Uri, Dietrich In der Halden, alt Ammann von Schwyz, Klaus von Zuben von Unterwalden, Heinrich Schmid, alt Ammann von Zug, und Johannes Tschudi von Glarus, erlassen einen Spruchbrief zwischen Ammann, Rat und gemeinem Land Appenzell und Lütfried Mötteli von St. Gallen wegen Nutzungen und Rechten in der Herrschaft Frischenberg. Nach langen Streitigkeiten und einem Urteil von Uri, an das sich Appenzell nicht hält, können die Gesandten die beiden Parteien einigen: Mötteli soll im Besitz des Kirchensatzes von Sax und anderer Einkünfte aus der Herrschaft Frischenberg bleiben. Die Appenzeller haben Mötteli an die Gerichtskosten 100 Rheinische Gulden zu bezahlen.

Die Aussteller siegeln.

- 1. Lütfried Mötteli, Bürger von St. Gallen, erwirbt die Freiherrschaft Frischenberg als Pfand von den Erben von Albrecht I. von Sax-Hohensax, der diese seinerseits 1454 von Ulrich VII. von Sax-Hohensax erworben hatte. Doch seit der Eroberung der Herrschaft Frischenberg 1446 durch die Appenzeller im Zuge des Alten Zürichkriegs sind diese die eigentlichen Machthaber (vgl. dazu SSRQ SG III/4 50). Mötteli versucht in langjährigen Streitigkeiten mit Appenzell, seine Rechte in Frischenberg durchzusetzen. Ende 1471 gelangt Mötteli in dieser Sache an die Tagsatzung, die den Streit zum Entscheid Uri übergibt (vgl. dazu EA, Bd. 2, Art. 674h [S. 421]; Art. 482k [S. 428]). In diesem Urteil wird Appenzell die Herrschaft Frischenberg zugesprochen, abgesehen von den Zinsen, Gülten, Renten und Nutzungen, die Mötteli in Frischenberg besitzt. Der Spruchbrief selbst ist nicht erhalten. Da sich Appenzell jedoch nicht an das Urteil von Uri hält und sich sowohl den Kirchensatz von Sax als auch die dem Mötteli zugehörigen Nutzbarkeiten aneignet, schwelt der Streit weiter. Im Januar 1473 beschliesst die Tagsatzung, dass jeder Ort am 6. Februar 1473 seine Boten mit Mahnbriefen nach Appenzell schicken soll. Zuerst soll Appenzell aufgefordert werden, dem Mötteli seine Rechte und Nutzbarkeiten an Frischenberg zurückzugeben. Weigert sich Appenzell weiter, soll man ihnen die Mahnbriefe übergeben, was auch geschieht (EA, Bd. 2, Art. 694a [S. 437]; vgl. dazu auch Inhelder 1992, S. 121-122; Zellweger 1834, Bd. 2, S. 72-76; EA, Bd. 2, Art. 696a [S. 439]; Art. 697c [S. 439]; Art. 701e [S. 442–443]; Art. 704g [S. 445]; Art. 709f [S. 448]).
- 2. Da Appenzell trotz Mahnbriefen seitens der Eidgenossen nicht einlenkt, kommt es zu dem vorliegenden Schiedsspruch der acht eidgenössischen Orte. Lütfried Mötteli gelingt es hier, seine Rechte und seinen Nutzen an Gütern, Personen, an der Mühle von Sax, an der Roslenalp (Alp Tafrus), am Weinberg, an seinem Wald und am Kollaturrecht der Kirche Sax durchzusetzen; die Hoheitsrechte bleiben jedoch bei Appenzell. Zu den Appenzeller im Rheintal vgl. den Rechtsquellenband von Werner Kuster (SSRQ SG III/3).
- 3. 1481 löst Ulrich VIII. von Sax-Hohensax die Pfandschaften Sax-Forstegg und Frischenberg aus, die mittlerweile von der Stadt St. Gallen übernommen worden waren (StASG AA 2 U 8). Wahrscheinlich gehen jedoch nur diejenigen Rechte der Herrschaft Frischenberg, die 1473 Lütfried Mötteli zugesprochen werden, an Ulrich VIII. von Sax-Hohensax über. Die Hoheitsrechte von Frischenberg mit dem Dorf Sax verbleiben weiterhin bei Appenzell.
- 4. Nach dem Rorschacher Klosterbruch als Beginn des St. Galler Kriegs (1489/1490) zwischen den vier eidgenössischen Orten Zürich, Luzern, Schwyz und Glarus als Schirmorte des Klosters St. Gallen einerseits und der Stadt St. Gallen mit dem Land Appenzell andererseits (vgl. dazu HLS) müssen die Appenzeller laut Spruch vom 10. Februar 1490 zusammen mit dem Rheintal auch die Herrschaft Frischenberg

15

den vier Schirmorten des Klosters St. Gallen übergeben (Druck: Zellweger, Urkunden, Bd. 2/2, Nr. 555; Literatur: Inhelder 1992, S. 122; Zellweger 1834, Bd. 2, S. 193–216). Einen Tag später erhält Zug die Mitherrschaft an den ehemals appenzellischen Besitzungen im Rheintal (StALU Urk 110/1682). 1500 übergeben die Eidgenossen die Herrschaft Frischenberg mit dem Dorf Sax und der Hochgerichtsbarkeit über die Obere Lienz Ulrich VIII. von Sax-Hohensax als Dank für seine Verdienste im Schwabenkrieg 1499 (vgl. dazu auch SSRQ SG III/4 106). Zur Herrschaft Frischenberg im 15. Jh. vgl. auch Deplazes-Haefliger 1976, S. 124–125; Inhelder 1992, S. 120–125; Kuster 1991, S. 44–45.

Wir, nachbenempten gemeiner Eidgenossen botten und rätesfrunde, namlich von Zurich Cunrat Schwend, von Bern Niclaus von Scharnachtal, ritter, altschultheis, von Lutzern Heinrich von Hunnwyl, altschultheis, von Ure Walther In der Gaß, ammann, von Switz Dietrich In der Halten, altammann, von Underwalden Claus von Zuben, von Zug Heinrich Schmid, altammann, und von Glarus Hans Schudi, als wir von bevelchens wegen unnser herren und obern diser nachgemelten sachen halb zå Lutzern byeinandern versammnet gewesen sind, bekennen und tund kundt allermenglich, als denn hievor unlangest zwuschend den ersammenn, wisen ammann, rät und gemeinem lande Appenzell, unnsern sundern guten frunden und getruwen Eidgenossen an eim, und dem vesten, fürnåmen Lütfriden Möttelin, burger zu Sant Gallen, am andern teil von der gerichten zu Frischemberg und ander sachen wegen sich mergelich spenn und irrungen erhept, darumb sy sich dann beidersite uff die fürsichtigen, wisen, unnser besunder lieben, gůt frùnde und getrùwen Eidgenossen, ammann und rat zu Ure, veranlasset hätten. Und deshalben durch dieselben von Ure mit recht entscheiden worden sind nach lute und inhalt versigleter rechtspruchen inen darumb geben.1 Und aber demnach die fürsichtigen, ersammenn und wisen burgermeister und rat der statt Sant Gallen, ouch unnser sunder gut frunde und getruwen Eidgenossen, von des genanten Lûtfriden Möttelis als irs burgers wegen durch ir wisen ratesfrûnde und geschriften sich vor unsern und^a obern gemeiner Eidgenossen zů meren māln trefflich erclagt uff meynunge, wie die von Appenzell über und wider solich rechtspruch, zu Ure usgangen, dem jetzgenannten Mottelin, iren burger, irs eignen freveln gewaltes und one recht dis hienach gemelten stück und gütre zu iren handen genommenn und inn dero entwert hetten:

Namlich und des ersten sinen houwachs in der herschaft Frischenberg, darzu alle sin frücht und obs daselbs in allen sinen gutern.

Item sinen wingarten zů Saxs genant Arslicher mitsampt dem win und jargewechds, ouch sinen walt genant das Boucholtz und die můle zů Saxs und darzů genant die alp genant Tafruseln mit der uffgehabten nútzunge und das kilchenlechen zů Saxs, das doch alles sin eigenlich güt were.

Und daruff dieselben von Sant Gallen unnser herren und obern hochermant und gebetten, inen durch craft der geswornen bünden hilfflich zesind und die von Appenzel daran zewisen, damit sy iren burger des sinen wider in gewerde satzten und sich gegen im rechtens benugen liessend, so vere, das ye uff solich ir clage unnser herren und obern der syben orten Zurich, Lutzern, Ure, Switz, Underwalden, Zug und von Glarus die vorgenanten von Appenzell ir geschwornen bunden so verre gemant, das sy je am lesten zügeseit haben, dem also gestracks nachzekommenn und sich des rechten benügen lassen nach ir geswornen bünden sage und der mannige, die von wort zü wort also wiset, von allen orten und jeglichem orte insunders:

Wir, der burgermeister der rāt und burgere gemeinlich der statt Zurich, enbieten den ersamen, wisen unsern sundern guten frunden und getruwen Eidgenossen, dem aman, rāt und gantzer gemeind zu Appenzell unser fruntlich, willige dienst vor und daby zu wissen, als denn zwuschend uch und dem vesten Lütfriden Möttelin, burger zu Sant Gallen, von der herschaft Frischemberg und ander sachen wegen hievor ettwz spenn und irrung gewesen, darumb ir dann beidersit uch rechtlichen zu entscheiden uff unnser guten fründe und getruwen, lieben Eidgenossen, ammann und rath zu Ure zu recht kommenn und lest durch dieselben umb solich uwer spenn und sachen mit recht entscheiden worden sind nach lute der rechtspruchen, die sy uch zu beidersite darumb versiglet geben und die ouch wir verhort haben etc.

Hand also demnach die fürsichtigen, ersamm und wisen burgermeister und rat der statt Sant Gallen, unnser gut frund und getruw Eidgenossen, uns schriftlich und ouch durch ir erbern ratsfrunde berichten lassen, wie dz ir uber und wider solich rechtspruch zu Ure usgangen und darnach den gemelten iren burger des sinen frevenlich und one recht entwert und im dis hienachgenemmpte stuck und guter zu uwern handen genommenn und noch haben: Des ersten sinen houwachs in der herschaft Frischenberg. Item sin ops und früchteb zu Frischmberg in allen sinen gutern. Item Marx Slichern wingarten zu Saxs genant Arslicher mitsampt dem win und jargewechsdt. Item sin walt genant das Bůchholtz [!] und die můli zů Saxs. Denn die alpen genant Tafruseln mit der uffgehepten nutzung und das kilchenlechen zu Saxs. Das alles sy vermeinent üch nach lute des gedachten spruches nit zugehöre. Und hand uns daruff dieselben von Sant Gallen gebetten und hochermant, ir und unser geswornen bünden inen von deselben irs burgers wegen bistendig und daran zesind, damit dem iren das sin, des er also on recht von uch entwert sye, widerkeret und er des ingewerd gesetzt werde.

Uff dz haben nechst unnser gůt frunde gemein Eidgenossen, mit denen ir in buntnis sind, ir trefflich bottschaft by üch gehept, uch muntlich gebetten und ermant, den gemelten Möttelin des sinen onne recht nit also zů entweren, sunder inn des, so er von ûch also entwert were, angends uff recht wider inzůsetzen und im dz zů sinen handen widerkomen zelassen. Das alles als wir verstandent von uch nit beschechen und zůhôren unbillich ist. Und so nů wir den gemelten unsern Eidgenossen von Sant Gallen solicher ir manunge nît vor sin mögend und

ouch in unnser Eitgnoschaft nîeman gestattet wirt, das jeman den andern des sinen onn recht entwerren und nach gemeinem rechten nîeman mît verpfanter hand zů recht zůkomenn genotiget werden sol, so haben wir den geschwornen buntbrîeff zwuschend uch und uns wisende, den wir mît andern unsern Eidgenossen darinn begriffen, versiglet und aber ir zůhalten an heiligen geschworn hand für uns geleit, den eigentlich verhört und darinn under anderm funden zwen artickel also sagende:

«Der erst were, dz wir von Appenzell mît jeman, wer der were, zů krîeg kement und uns derselb solich glich billich völlige recht butte, dz unser obgenanten Eidgenossen gemeinlich oder den merenteil under inen bedüchte, dz es inen und uns erlich were, dz wir der rechten eins uffnemmenn sönd, so sollend wir es tun und inen darinn gevolgig und gehorsamm sin one widerred».

Denn wiset der ander artickel also: «Und das wir von Appenzell alle und alle die, so zu uns gehorendt, unser jeglicher insunders und alle unnser nachkommenn den obgenanten unsern Eidgenossen von stetten und lendern allen und dem meren teil under inen gehorsam sin, ir nutz und ere fürdern und iren schaden wenden söllend onn widerred und geverde etc.»

Darumb uff solich jetz gemelt beid artickel, so ir zu halten an heiligen geschworn hand, so bitten und manen wir uch derselben uwer geswornen eyden und der bunden so hoch und ernstlichest wir das tun mögend, dz ir by craft derselben uwer eyden und der bunden den obgenannten Lütfriden Mottelin von stund an der obgenanten siner entwerten stück und güter angends wider in gewerd setzent und im die onn engeltnis wider zuhanden komen lassent und furer inn nît witer bekumbrent, sunder ob ir an inn oder er an ûch, es sye umb costen, schaden oder ander sachen, fürer ützit zu sprechen hetten, dz ir des zu recht kommennt uff gemeiner Eidgenossen botten und ûch desselben rechten benugen lassend, als wir uch das ze tunde wol getruwen. Wann ob ir dz nît tun wurden, des wir uns doch zu uch nit versechend, so mochten wir nit darvor sin, dann dz wir dannenthin der manung und den geschwornen bunden zwuschend denen von Sant Gallen und uns wisende genug tun musten, wie gern wir des vertragen werend, zu urkunde versiglet mît unser statt ufftrucktem secrete am fritag nach sant Anthonien tag gezalt von der geburt Christi unsers herren vierzechenhundert sibentzig und dru jar.

Und als nu uff dz unnser herren und obern beiden partyen solicher sach halb uff hutt rechtlich tag angesetzt und uns als botten zu den sachen geordnet und bevolchen haben, die nach lute der vorgemelten manung fürzenemmenn, haben wir uff hut sy beidersit, als sy für uns mit vollem gewalt komenn sind, namlich die von Appenzell durch die erbern wisen Ulrichen Broger und Hansen Stemmlin, iren lantschriber, als ir volmechtig botten, und aber Lütfrid Mottelin durch sich selben ouch mit gewalt und mit im der fromm wise Ulrich Farenbüler

als ein ratzbott von Sant Gallen für uns genomen und begert, ir sachen vor uns ze eroffnen.

Also hat Lûtfrid Möttelin sin clag zü denen von Appenzell eroffnet uff meynunge als ouch vormaln, wîe sy inn der vorgenannten stucken über und wider der rechtspruch zu Ure usgangen onn recht frevenlich entwert, solichs zu iren handen genomen und inn dadurch zu grossem costen und schaden gebracht haben. Und nachdem sy von unsern herren und obern nach ir bunden sage und by iren eiden gemant werend, inn des sinen onn entgeltnis wider inzesetzen und si dz also zetunde zügeseit und doch nit getan hetten, trüwete er nü got und dem rechten, sy solten nü durch unser rechtlich urteil daran bracht werden, den dingen nach inhalt der manung und irem züsagen nachzegand, im das sin zü widerkeren und darzü im sin costen und schaden, darinn sy inn wider die manung und sider der urteil zü Ure usgangen, irs eignen gewalts unrechtlich bracht hetten, gentzlich abzetragen.

Darwider aber der vorgenannt von Appenzell botten also antwurten, sy neme solich des Mottelis hoch verclagen vast fromde, wann ob er in den dingen die rechte warheit furgeben hette, zwiflet inen nit, sy werend solicher mas nîe gemant worden, sy hetten ouch dhein unrecht noch frevel an im begangen, wann als bald si mit im in dem spruch zu Ure usgangen, irrîg worden werend, hetten si sich von stundan und allwegen gegen im wider für die von Ure zü rechtlicher lutrung erbotten, als sy noch deten, dz hette aber Mottelin gegen inen nie wollen uffnemmenn, sunder sinen hochenmut mit inen gewaltigclich geprucht. Uff dz hetten si den kilchensatz und anders, so sy noch hoften, inen zugehorte, darumb zü iren handen genommenn, das si dester ee mit im zu recht kement und truweten wol, dz wir den Mötlin von solichen unbillichen fürnemen wisen solten, damit und er sy nach lute der von Ure rechtspruch, den si zehören begerten, by solichen stucken und dem iren bliben ^{c-}lies und^{-c} das er inen darzů iren costen und schaden, darin er sy mutwilligelichen bracht, damit dz er iri rechtbott und das recht zu Ure verachtet hette, abtragen und sy im umb sin zusprüch und fordrung sîns costens nit zů antwurten haben solten.

Zu solichem aber Lutfrit Möttelin furer rette, ob die von Appenzell inn des sinen one recht nit also^d entwert hetten, were er inen rechtes nie vorgesin, dz aber er schuldig gewesen sye, mît gepfanter hand zü recht zekommenn, truwe er nit, und begerte glich wie vor, im umb das sin nach lute der manung wandel zetûnd und darzů im sinen costen und schaden, der sich ob dritthalb hundert Rinsch guldin treffe, abzetragen. Aber von des kilchensatzes wegen, dartzu hetten dîe von Appenzell dhein recht nach lute des spruchs zů Ure usgangen, der doch nît witer inhîelte, denn was gerechtîkeit die gerichte zů Frischenberg züm selben kilchensatz hetten, die solten die von Appenzell ouch daran han, daby lies ers noch bliben und truwte nît, dz dieselben gericht ye kein gerechtikeit daran gehept und noch hetten. Zůdem so hette er ouch den bitzhar gelichen on ir

30

und menglîchs inrede und hindernis, hofte und truwete ouch noch hut bi tage daby ze bliben.

Harwider aber die von Appenzell glich wîe vor retten, sy werend dem Möttelin rechtes nie vor gesin, er hette aber dz nîe wollen uffnemen, sunder si durch sin unrechtlich verclagen zü mergklicher unrůw und costen gepracht. Und umb den kilchensatz zů Saxs, da verstůnden wir wol, dz die von Ure inen alle gericht und die herschaft Frischemberg zůbekent hetten, daby man wol vermarckte, dz inen billich der kilchensatz zůgehörte und sy den fürbashin zů lichen han als wol als bitzhar und yewelten ein herschaft von Frischemberg den geluchen hette, inmas si dz wol furbringen wolten, dz er zů den gerichten Frischemberg gehorte und das Lûtfrid Mottelin inen daby iren costen abtragen und sy im umb sin zůsprůch gantz nůtzît zeantwurten haben solten. Und satzten damit ir sachen, mit me worten nît not zů melden, zů unnser rechtlichen erkantnis.

Und als wir nu solicher beider teylen clag und antwurt, red und widerrede, ouch die obbestimpte manunge und daby den rechtspruch zwuschen inen vormaln zu Ure usgangen und alles dz, so ir beider partyen halb vor uns in recht gelegen ist, gar eigentlichen verhört und aber daruff an beiden teiln dhein vervolge, si fruntlich inn der mynn sammennt ze betragen finden mögen haben. Sind wir doch am lesten nach rat bedachtlich uber die sachen gesessen und die nach unser besten verstentnis und uff unnser eyde, als denn dz uns von unsern herren und obern uffgeleit und ze tunde bevolchen worden ist, mit recht und einhelliger urteil usgesprochen, als hienach stät:

[1] Des ersten von der gutern, zinsen, gulten und sachen wegen zu Frischenberg, darumb, wîe vorstât, Lútfrid Mottelin clagt und furgewendt hat, dz im dîe zugehorend und dz die von Appenzel inn dero onn recht entwert haben, wie denn das stuck davor von beiden teylen angezogen und verantwurt worden ist etc, erkennen wir uns uff unnser eyde, sider und der rechtsprüch zwüschend inen beidersite vormaln zů Ure usgangen, in eim artickel luter inhaltet, dz solich zins, rent, gult und nutzung, die Lütfrid Möttelin in den gerichten und herschaft zu habend vermeinnet und die in siner clage angezogen hatt, demselben Lutfriden Mottelin zugehoren sollend. Diewile doch die von Appenzel nît dawider gerett noch das verantwurtet haben, wie denn das derselb artickel des rechtspruchs witer begriffet etc, sprechen wir zu recht und lutrent dis also, das ouch nů der vorgenant Lutfrid Möttelin by sollichen sinen zinsen, renten, gûlten und allen nutzungen, so er bitzhar in den gerichten Frischenberg und der herschaft gehept hāt und noch ze habend vermeinet, nu furbashin als by dem sinen ruwig bliben sol und das daby dîe von Appenzell denselben Lutfriden Mottelin umb alle und jegliche stuck, es syend zins, rent, gult, nutzungen und ander sachen in der herschaft und gerichten zü Frischenberg, houwachs, obs, frûchte, Marx Slichers wingarten mit sampt dem hürigen win des vergangnen herbstes, den walt genant dz Banholtz, dîe můli zů Saxs, die alp Tafruselen mît allen und jeglichen zinsen und nutzungen und umb alle sachen, darumb dann die von Appenzell Lutfriden Mottelin nach lute und inhalt gemeiner Eidgenossen manunge sider dem spruch zu Ure usgangen, bitzhar entwert und zu iren handen genommenn oder verbotten haben. Denselben Lütfriden Möttelin jetz angends onn alle sin engeltnis ruwigclich wider in gewerd setzen und im die von hin zugehoren söllend und dz er solich zins, rent, gült, nutzungen und sachen nu fürbashin als dz sin sol und mag inn han nützen, niessen, besetzen und entsetzen unbekumbert von denen von Appenzell und menglichen ungefarlich.

[2] Denn von des kilchenlechens wegen zu Saxs, darzu denn jetweder teyl gemeînt hat, recht zu han etc, haben wir uns erkent, sider und dîe von Appenzell von unsern herren und obern gemeiner Eidgenossen nach sage ir bûnden gemant worden sind, denselben Möttelin umb all stuck und sachen, dero si inn entwert haben, wider in gewerd zu setzen, das ouch nu Lutfrid Möttelin nach inhalt derselben manunge des kilchenlechens zu Saxs in gewerd sin sol. Dîewile aber unser Eidgenossen von Ure sich vormaln under anderm zu recht erkennt, wz gerechte^e die gerichte zu Frischenberg bitzhar zü kilchenlechen zů Saxs gehept haben, das ouch die von Appenzell hinfur daby bliben söllend etc. Haben wir uns fürer bekent, das die von Appenzel deshalb ir kuntschaft vor uns uff hüt erscheinen und hören lassen söllend, wz gerechtigkeit sy von der gerichten wegen zu Frischenberg zu kilchenlechen zu Saxs ze habend vermeinent und den fürer geschechen sol, wz recht sye. Und nachdem die von Appenzel nach lute derselben unnser urteil von desselben kilchenlechens wegen sich uff hut understanden haben, solich kuntschaft vor uns zelegen, als ouch dz beschechen ist, haben wir sy aber beidersite nach ir nottdurft gegenander reden lassen und daruff dieselbe der von Appenzell kuntschaft wolbedachtlich verhört und uns daruff furer uff unnser eyde erkennt, sider und die von Appenzell sich nach inhalt unser vordrigen usgangnen urteil vermessen gehept hant, als inen ouch dz zetunde bekennt worden ist, mit guter kuntschaft furzebringen und kuntlich ze machen, dz der kilchensatz zů Frischemberg zů den gerichten daselbs gehöre und aber si das inn solcher mas, als si sich vermessen hatten, mit ir kuntschaft genugsamclich nit haben fürbracht und ouch Lütfrid Möttelin vormaln solich kilchenlechen mer dann einist gelüchen hāt, dz ouch nü derselb Lütfrid Mottelin und sin nachkommenn nu furbas hin by solichem kilchensatz bliben und den als recht collatores lichen und besetzen mögend, so dick und vil das nu vonhin zů schulden kumpt und er ledig wirt, von denen von Appenzell und menglichen gantz ungehindert.

[3] Und von des costens wegen, darumb denn, wîe vorstāt, beide teil einandern angesprochen hand etc, erkennen wir uns uff unnser eyde, dz dîe von
Appenzell dem genanten Lutfriden Möttelin an sinen costen, wie er den diser
sach halb gehept hatt und darfur hundert Rînsch guldin geben und im dîe bitz
sant Johans tag zu sungichten nechst [24. Juni] kumpt und zeglich und onn

alle sin engeltnîs also bar usrichten und im die zů sinen sicheren handen und gewaltsame gen Sant Gallen antwurten sollend onn allen intrag und geverde.

[4] Und hiemît sollend sy zû beidersîte umb all solich ir spenn und sachen verricht und rechtlich entscheiden sin, by disem unserm rechtspruch bliben und den stete halten by pen der manunge, so, als vorstāt, unnser herren und oberen denen von Appenzell getan, und si dem also nachzekomenn gemeinen orten zugeseît haben.

In craft dis unnsers rechtspruches, dero wir zwen glich wisende und mit unser aller anhangenden ingesigeln uns und unsern erben unschedlich versiglet, jetwederm teyl einen geben haben am nechsten zinstag nach sant Lucien tag, als man zalte von der gepurt Christi unnsers herren tusent vierhundert sibentzig und drü jare.

[Vermerk auf der Rückseite von Hand des 15. Jh.:] Fryschen berg betreffend

[Registraturvermerk auf der Rückseite:] ^g; Sakristey truk. 39 L 2; ^h; 1473; N° 5; ⁱ; ^j

Original: StASG AA 2 U 5; Pergament, 68.0 × 58.0 cm; 8 Siegel: 1. Konrad Schwend von Zürich, Wachs, rund, angehängt an Pergamentstreifen, gut erhalten; 2. Niklaus von Scharnachtal, alt Schultheiss von Bern, Wachs, rund, angehängt an Pergamentstreifen, gut erhalten; 3. Heinrich von Hunwil, alt Schultheiss von Luzern, Wachs, rund, angehängt an Pergamentstreifen, gut erhalten; 4. Walter In der Gass, Landammann von Uri, Wachs, rund, angehängt an Pergamentstreifen, gut erhalten; 5. Dietrich In der Halden, alt Landammann von Schwyz, Wachs, rund, angehängt an Pergamentstreifen, gut erhalten; 6. Klaus von Zuben von Unterwalden, Wachs, rund, angehängt an Pergamentstreifen, gut erhalten; 7. Heinrich Schmid von Zug, Wachs, rund, angehängt an Pergamentstreifen, gut erhalten; 8. Johannes Tschudi von Glarus, Wachs, rund, angehängt an Pergamentstreifen, gut erhalten.

Original: LAAI A.III:49; Pergament, 68.0 × 56.0 cm; 8 Siegel: 1. Konrad Schwend von Zürich, Wachs, rund, angehängt an Pergamentstreifen, gut erhalten; 2. Niklaus von Scharnachtal, alt Schultheiss von Bern, Wachs, rund, angehängt an Pergamentstreifen, gut erhalten; 3. Heinrich von Hunwil, alt Schultheiss von Luzern, Wachs, rund, angehängt an Pergamentstreifen, gut erhalten; 4. Walter In der Gass, Landammann von Uri, Wachs, rund, angehängt an Pergamentstreifen, gut erhalten; 5. Dietrich In der Halden, alt Landammann von Schwyz, Wachs, rund, angehängt an Pergamentstreifen, gut erhalten; 6. Klaus von Zuben von Unterwalden, Wachs, rund, angehängt an Pergamentstreifen, gut erhalten; 7. Heinrich Schmid von Zug, Wachs, rund, angehängt an Pergamentstreifen, gut erhalten; 8. Johannes Tschudi von Glarus, Wachs, rund, angehängt an Pergamentstreifen, gut erhalten.

Abschrift: (1590) StASG AA 2 B 2, S. 66–88; Buch (142 Seiten) mit kartoniertem Einband; Papier, 22.5 × 34.5 cm.

Abschrift: (1618) StASG AA 2 B 1a, fol. 41r–46r; Buch (bis 168 foliert, danach 21 Folii leer) mit Ledereinband; Papier, 22.0 × 32.0 cm.

Abschrift: (1618) StAZH F II a 383 b, fol. 45r–51v; Buch (4 Blätter Inhaltsverzeichnis, 174 Folii) mit Ledereinband; Pergament, 20.0×31.0 cm.

Abschrift: (1702) StAZH B I 273, fol. 869r-880v; Papier.

- Regest: UB Appenzell, Bd. 1, Nr. 1100 (nach der Zweitausfertigung im LAAI).
 - a Korrigiert aus: und und.
 - b Beschädigung durch Falt.
 - Beschädigung durch Falt, ergänzt nach StAZH F II a 383 b, fol. 48v.

- ^d Beschädigung durch Falt, ergänzt nach StAZH F II a 383 b, fol. 49r.
- Beschädigung durch Falt, ergänzt nach StAZH F II a 383 b, fol. 50v.
- f Korrigiert aus: umb.
- g Streichung: No 4.
- h Streichung: N° 8.
 i Streichung: 8.
- j Streichung: ingrosiert.
- Dieses Urteil konnte nicht gefunden werden (siehe auch die von Anton Denier edierten Urkunden des Kantons Uri in Denier, Urkunden).

5